



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Caput II. De subjecto, cui datur præceptum.

**urn:nbn:de:hbz:466:1-42634**

quem finem hic non agitur notabiliter. Vide *Delberne de Immun.* Eccl. c. 19. dub. 53., qui tenet cum *Sanch.* Videri potest *Diana* citatā p. 5. tr. 5., ubi per 69. *Resolutiones*, percurrendo plerasque materias, examinat, quandonam materia de se gravis sit levis, & consequenter mortale fiat veniale ex parvitate materiæ.

R. 61.

aliros,

tra est,

libere

longe,

materia

tantum

## C A P U T II.

*De subiecto, cui datur Præceptum.*

## D U B I U M I.

*Quæ persona præceptis obligentur.*

**R**Esp. Soli subditi ratione utentes obligantur, ita *680:681.*  
ut eorum transgressione peccent; Quod addo, propter ebrios & ad tempus amentes, qui etsi verè *680:681.*  
iis obligentur, eorum tamen violatione non peccant defectu advertentiæ rationis, & consensūs. Pars prior est communis, & certa, *Fil. tr. 21. cap. 680:681.*  
*II. q. 10. Bonac. p. 6 &c. Laym. l. 1. tr. 4. c. 10.*  
Posterior est eorundem: Cujus Ratio est; tum, quia præceptum, cùm sit directivum, supponit usum rationis: tum, quia obedientia tantum est eorum, qui ratione & voluntate utuntur: Neque alias transgressio ad culpam imputari posset. *Vnde resolves* *680:681.*  
*bos Casus.*

I. Legislator nō tenetur suis legibus, ut sic, quoad vim coactivam & pœnam, sive directè: in directè tamen, & quoad vim directivam, & ex æquitate quadam, tenetur se tanquam caput membris conformare. Ita *S. Tho. 1. 2. q. 96. a. 5. ad 3.* *Syl. Shar. Bon. Lay. cap. 9. contra Azor.* Tene-

*Lib. I.*

“ tur etiam in contractibus cum reliquis pari condi-  
“ tione uti. Vide *Fil. l c.*

681.

“ II. Infideles non baptizati, etiam catechumeni,  
“ non obligantur præceptis Ecclesiæ : obligantur  
“ tamen hæretici, & alii qui per Baptismum Ecclesiæ  
“ semel sunt subjecti.

676

“ III. Etsi pueri ratione utentes, legibus iis Eccle-  
“ siæ, quarum materia eorum ætati est conveni-  
“ ens, v. g. confessionis annuæ , secundum *Nay.*  
“ *Henriq. & Azor.* Item abstinentiæ à carnibus,  
“ auditionis sacri, secundum *Sanch. &c.* obligentur,  
“ quoad culpam , non tamen quoad pœnas ordina-  
“ rias, nisi sint puberes, quales sunt masculi anno 14,  
“ pueræ 12. absoluto, *Sot. Vasq. de pœn. q. 90. a. 1.*  
“ *Sa. V. Censura.*

678  
679

“ IV. Infantibus , non baptizatis & perpetuor-  
“ mentibus licet dantur carnes diebus Veneris , &  
“ imponuntur opera servilia festis ; non tamen e-  
“ briis, cùm legi maneant subjecti, uti nec licet irri-  
“ tantur amentes ad blasphemandum , læden-  
“ dum &c. èo quod talis actio tribueretur princi-  
“ pali agenti, qui alterius operâ uteretur quasi instru-  
“ mento. *v. Lay c. 10 Bon. p. 6. & Sanch. 1. N. 1. c. 11.*

“ V. Clerici, cùm jure divino sint exempti de po-  
“ testate civili , ut docet *Bellar. l. 1. de Cler. c. 18.*  
“ non tenentur legibus civilibus directè & quoad  
“ vim coactivam. Unde nec à Principe Sæculari pu-  
“ nirí possunt: Cùm tamen sint membra Reip. , &  
“ alioqui communis æquitas servari non posset, te-  
“ nentur indirectè, & quoad vim directivam legi-  
“ bus communibus iis, quæ ad bonum commune  
“ spectant, & eorum statui non repugnant, quales,  
“ v. g. sunt leges prohibentes vel irritantes contra-  
“ ctum , ( nisi hæ sint pœnales , tunc enim quia vim  
“ coactivam obtinunt, eos non ligant ) Ideoque pec-  
“ cant

cant contra justitiam, & ad restitutionem tenentur, si frumenta v. g. vel alia vendant, ultra pretium à Principe statutum. Ita Molina, Suar Sal. Tan. vid. Lay c. 13. quia jus naturæ exigit, ut vendant precio justo; tale autem censetur, quod decernitur lege.

## A D D E N D A.

**Q.** 104. *An Legislator, uti alii, graviter pec-* 675  
**Q.** *cet, si non observet suas leges. R.* Affirmant Reiffenstuel hic dist. 3. q. 2., si lex legislatorem æquè ac subditos deceat; Consentit Cardin. Sfondratus in Reg. sacerd. I. 4. §. 2., addens tamen posse etiam secum dispensare: Ratio autem, cur teneatur, est, tum quia scandalizarentur alii, si ipsem transgredetur, tum quia caderet in ipsum illud Christi Matt. 23. ¶ 4. *alligant enim onera gravia & importabilia & imponunt in humeros hominum, digito autem suo nolunt ea movere: Hinc cap. 2. dist. 9. dicitur, justum est Principem legibus obtemperare suis; & cap. cum omnes, de Constit. refertur illud Catenis, patere legem, quam tu ipse tuleris: & notabile est illud Imperatorum leges ferentium, L. digna vox, 4., Cod., de Legibus & Constit. Principum, digna vox est Majestate regnantis, legibus alligatum se Principem profiteri; adeo de auctoritate Iuris nostra pendet auctoritas; & revera maius Imperio est submittere legibus Principatum, & oraculo presentis edicti, quod nobis licere non patimur, aliis indicamus. Similia effata videri possunt apud Delbene de Imm. Eccl. c. 15 dub. 2. E contrà Bonac. Less. Delbene & alii cum Castrop. d. I. p. 24. §. I. & Illo. I. d. 2. n. 17. probabilitas negant, & afferunt, per se loquendo, peccare tantum venialiter, nam*

Aa 4

non

non peccat contra suam legem, cùm lex dirigatur ad solos subditos, sed tanum contra legem naturalem, quæ dictat eum debere se conformare Communitati, ut sic melius obtineatur finis legum & communis observantia: *turpis enim omnis pars est, suo universo nam congruens*, Cap. Quæ contra, 2. dist. 8. Jam verò videtur esse levis tantum deordinatio, si legislator quandoque non ita se conformet communitati. *Dixi*, per se loquendo, aliud enim esset dicendum, si per accidens inde sequeretur perturbatio, scandalum aut aliud grave inconveniens in communitate, & hoc solum videtur velle Reiffen. Quid sit lex directiva & quoniamplex coactiva, diximus n. 651. An autem & quomodo Supremus aliquis Senatus vel Capitulum generale obligetur legibus suis vel antecessorum, videri potest *Luga* in Resp. Mor. I. 6. d. 20.

676. Q. 105. *An pueri ante septennium completum tenantur legibus Ecclesiæ.* R. Busenbaum & alii n. 674. relati dicunt obligari legibus iis, quarum materia eorum ætati est conveniens, hinc *Bosco* de poenit. d. 7. n. 42. docet tales pueros obligari ad Confessionem annuam, cùm enim sint capaces præcepti non requirentis certos annos, si plenum usum rationis habeant, lex possidet contra eos, & hæc Sententia saltem suadenda est in praxi, cui etiam videatur assentiri *Castrop.* tr. 23. p. 20. E contrario *Diana* p. 10. t. 12. R. 37. 10. *Sanch.* Burgh cent. 2. cas. 24, ipsamem *Castrop.* tr. 3. d. 1. p. 24. §. 2. *Ills.* n. 18. dicunt non teneri, quamvis plenum rationis usum habeant, quia leges Ecclesiasticæ in obligando procedunt humano modo, ideoque neminem obligant, nisi habentem usum rationis, quem non præsumunt, nisi post completum septennium, leges enini positivæ attendunt ad ea, quæ communiter contingunt, L.

Nath

Nam ad ea, ff. de Legibus, atqui communiter non contingit usus rationis ante septennium completum, ergo. Utraque sententia est satis probabilis : vide dicenda l. 3. p. 1. n. 615. & p. 2. n. 1267. Item vide Delbene de Imm. Eccles. c. 13. d. 1. & seqq.

Q. 106. An pueri ante pubertatem etiam censuras incurvant. R. Incurrunt aliquas, non omnes, uti dicetur l. 7. c. 1. ad dub. 3.

Q. 107. Quomodo peccant Clerici non observantes legem civilem. R. Clericos directè & per se obligari potestate directivâ legis civilis, docet cum aliis, quos citat, Castrop. tr. 3. d. 1. p. 24. §. 6. n. 6., hinc consentit cum eis etiam Diana p. 6. tr. 8. R. 4. in fine, Clericos peccare mortaliter, si eis non pareant, quia sunt cives & pars præcipua civilis Reip., ad quam totam diriguntur leges: & hanc sententiam dicit esse valde probabilem Burgh. cent. 2. cas. 53. E contrà Suar. Vasq. Az. Fill. Bonac. Tann. Laym. Barbos. Bustemb. suprà cum eodem Burgh. & Delbene de Imm. Eccl. c. 8. d. 2. etiam probabiliter dicunt non obligari directè, cum sacerdotalis in Clericos non habeat jurisdictionem, uti ostendetur l. 4. n. 1381. & 1410. Itaque tenebuntur tantum indirectè, ex vi legis naturalis dictantis partem unam communitatibus debere se conformare cæteris, in illis, quæ bonum commune concernunt, -ad quam conformitatem statuendam Ecclesia leges civiles non improbat, uti pluribus deducit Delbene c. 9. d. 2. Hinc infert Burgh. cum Salas, Caspensi, Bonac. d. 1. q. 1. p. 6. n. 53. Delbene n. 12. & aliis, Clericos probabiliter peccare tantum venialiter, si agant contra ejusmodi legem civilem, quia disformitas illa partis à toto non videtur gravis, per se loquendo, secluso scandalo & gravi damno Reip. Quod si ejusmodi transgressioni imposita sit poena, v. g. si fruges efferantur

è patria, ut eripiantur à fisco, communis sententia est huic pœnæ non subjacere Clericum, neque res ipsius, quæ gaudent privilegio personæ, cùm Clerici non teneantur ullâ vi coactivâ legum civilium, uti rectè *Dels.* suprà. *Ad argum.* oppositum, R. Esse quidem cives, sed exemptos à potestate civili. Vide *Ius.* t. i. d. 2. à n. 28., ubi, etiam non improbabili-  
ter, docet legem civilem per potestatem Ecclesiasticam approbari & imponi Clericis, adeoque posse gra-  
viter obligare.

*Q. 108. An peccant Superiores Laici, impo-  
nentes varias leges circa Clericos. R.* Non peccant,  
si leges sint justæ, & ab Ecclesia comprobentur, quod  
necessarium esse, decernitur Cap. *Ecclesia S. Mariae*,  
*De Constit.*, etiam si ferantur in favorem Ecclesie,  
uti notat *Carden.* in *I. crisi d. 61. n. 183.* Probat ar-  
tem ex jure *Less.* in auct. *V. Bona Ecclesia*, cas. 3,  
quod statutum, quo Ecclesiæ & pia loca redduntur  
inhabilia ad acquirendas possessiones & immobilia  
bona, sint contra libertatem Ecclesiasticam, eosque,  
qui condunt talia statuta vel ea exequuntur, esse ex-  
communicatos: *Pirh.* 1. i. tit. 2. à. n. 90. & *Diana*  
p. 6. tr. 3. R. 6. fusè probant ejusmodi statuta non  
tantum esse illicita, sed etiam prorsus irrita. Addit  
*Lessius* cas. 4. & fusè probat constitutionem illam  
esse graviter illicitam, quâ statuitur, ut illis, qui  
volunt ingredi religionem, vel jam ingressi sunt,  
non liceat bona sua vel portionem obventuram da-  
re pauperibus, vel conferre in religionem, putatque  
auctores talis constitutionis non evadere excommu-  
nicationem ipso facto incurram & latam ab *Ho-  
norio III.* Cap., *Noverit*, de Sent. Excom., quæ  
confirmata est à *Trident.* Ses. 25. c. 20. Ibidem cas. 5.  
docet *Less.*, sacerdotali auctoritate statui non posse, i.  
Ne religiones certum numerum personarum non

exce-

excedant. 2. Ne excedant certam quantitatem reddituum. 3. Ne ingredientes vel alii laici conferant plura bona mobilia religiosis, quām ad constitutam taxam necessaria sunt: atque hæc omnia probat fusè, explicatis omnibus textibus Juris, qui dictis videntur esse contrarii. Vide *Delbene de Imm. Eccl. toto c. 8. & Aredek. p. 3 t. I. de opin. prob. q. 25.* in fine. Item dicenda l. 4. à n. 1382. & 1389. Quid autem liceat Judicibus Sæcularibus contra Ecclesiasticos dicetur ibid. à n. 1381.

*Q. 109. An lex possit favere alicui non subdito?* 680  
*vel ei, qui eam non recepit,* v. g. si lex civilis statuat, ut bonâ fide possidens aliquid per duos annos, præscribat titulum, an Ecclesiasticus non subjectus legi civili possit gaudere illo privilegio, & præscribere contra laicum: Similiter si Trident. alicubi non sit receptum, an nihilominus possint incolæ talis loci gaudere privilegiis seu favoribus Tridentini. *R.*

§. I. Primum negat *Caram.*, quia legibus non debent judicari, qui non sunt eis subjecti: è contrà affirmat *Carden.* in 1. crisi d. 61. c. 14., nam v. g. Rex Hispaniæ potest condere legem, ut non liceat merces efferre, nisi in Galliam, hæc lex favet Gallis ipsi non subjectis, ergo. Itaque quamvis lex non possit favere non subdito, directè afferendo illi aliquam obligationem, vel etiam tollendo obligationem per aliquam dispensationem, eo quod obligatio non possit imponi nisi subdito, & sublatio obligationis, quæ per dispensationem fit, non fiat nisi respectu subditi, potest tamen lex simpliciter favere etiam non subdito legi, sic enim potest ferri lex in Hispania, ut nemini præterquam Gallo liceat in regnum venire, quæ lex favet solis Gallis, gravabit reliquos. Id maximè valet de Ecclesiasticis alicujus Communitatis legibus subjectæ, nam sunt pars istius

Com-

Communitatis, & tenentur saltem vi directivâ legum in ea vigentium, ergo similiter, & magis, gaudere debent favoribus.

681 §. II. Putat Zipæus Episcopos gaudere posse legibus favorabilibus Tridentini quoad absolutiones & dispensationes in casibus Papalibus, etiam in iis locis, in quibus Tridentinum non est receptum; idque Duvalius dicit practicari ab Episcopis. Alij: è contrâ Sanch. & Barbosa negant id posse fieri, ciantes pro se Declarationem S. Congregationis, & Ratio potest esse, quia mens Ecclesiæ est, ut qui habet favores, portet æqualiter onera, cum favores sape indulgentur, ut leviora sint onera.

An infideles teneantur legibus Ecclesiæ, dicetur l. 2. à n. 77. ; quam autem potestatem habeant Episcopi respectu Regularium exemptorum, videri potest apud Delbene de Imm. Eccles. c. 14.

An Peregrini teneantur legibus sui domicilii, dum ab eo absunt.

“ Suppono I. Præceptum aliud esse Locale, quod scilicet certo tantum loco, urbe v. g. vel Parochiâ obligat: aliud Universale, seu juris communis; quod totam ferè Ecclesiam obligat.

“ Suppono II. Peregrinos propriè dici eos, qui aliquò veniunt, animo non manendi, sed tantum subsistendi ad aliquot dies, vel summum per minorem anni partem, ut mercatores, viatores: non autem studiosi, neque ancillæ, quæ veniunt ad serviendum.

“ R. Non obligari. Ita Navar. Sanch. Less. lib. 4. cap. 3. d. 8. Ratio, quia præcepta localia per se & directe respi-

respiciunt territorium, eique sunt affixa, atque  
adeo non obligant nisi existentes intra illud: Lex  
enim ita fertur: v.g. Festum illud tali loco celebre-  
tur: ideoque hic valet illud: *Si fueris Romæ, &c.*  
Addit Laym. c. 11. præceptum locale exspirare  
etiam intra proprium territorium in loco exem-  
pto, quod is æquiparetur loco sito extra territo-  
rium. *Ex quibus resolves hos Casus,*

I. Si Episcopus sub poena excommunicationis  
vetet lusum aleæ, non obligantur Clerici ludentes  
in loco exempto à jurisdictione Episcopi. Bonac.  
p. 6. Lay c. 11. num. 5.

II. Si quis die jejunii aut festo sit in loco alio,  
non sui territorii, aut exempto, ubi tunc non est je-  
junum aut festum, potest ibi comedere, exercere  
servilia. Lay Bon.

III. Id etiam habet locum in præceptis juris  
communis, si in loco isto sint usu abrogata, vel non  
recepta, vel habeatur privilegium: Quare potes,  
v.g. Mediolani primis quatuor diebus Quadrage-  
simæ vesci carnis, cum id ibi liceat. Item in Bel-  
gio, sabbathis intra Nativitatem & Purificationem,  
vesci carnis: item in loco, ubi Tridentinum  
non est receptum, validè, (etsi non licite) inire ma-  
trimonium clandestinum. Suar. Sanc. l. 1. c. 12. *Leff. &c.*

IV. Potest quis discedens manè ex oppido, ubi  
non est jejunium, vesci carnis, etsi meridie redi-  
turus sit domum, ubi est jejunium; nec tunc, ubi  
domum venerit, tenebitur ad servandum jejunium  
istâ die, cum illud jam violaverit, ideoque servare  
non possit: tenebitur tamen domi ad abstinentiam  
à carnis, cum illa adhuc possit ibi servari, tò  
quod sit dividua. *Vide Sanc. l.c Leff c. 12. d. 8.*

V. Si quisabiturus est loco, ubi est jejunium,  
sciatque

“ sciatque se certò p̄venturum vesperi ad locum,  
 “ ubi non sit ieiunium , tunc etsi non possit ibi vesci  
 “ carnis, unde abit (cùm ista abstinentia sit divi-  
 “ dua) potest tamen ibi manē jentare , & meridie  
 “ prandere, ut contra quosdam docet. *Less.* & *Sanb.*  
 “ suprà.

684

“ VI. Probabile etiam est, & in conscientia secu-  
 “ rum, quod docet *Sanb. l. 3. de matr. d. 18. & 1.*  
*mor. c. 12. contra Navar. Suar.* Peregrinos, ante-  
 “ quam excedunt proprio territorio, non teneri im-  
 “ plere præcepta , quæ eos ibi deprehendunt; v. g.  
 “ non teneri eum manē audire sacrum die festo, qui  
 “ ante prandium venturus sit aliò , ubi non sit fe-  
 “ stum : quia si mansisset suo loco , ubi præceptum  
 “ obligabat, poterat differre ad id tempus : quando  
 “ autem pervenit ad alium locum, desinit obligari.  
 “ Nec obstat , quod prævidens impedimentum ve-  
 “ neatur prævenire, quia id tunc tantum verum est,  
 “ quando manente vi præcepti quis est impedi-  
 “ dus; hic autem ab obligatione præcepti absolu-  
 “ tur. Contraria tamen sententia , tanquam magis  
 “ pia, suaderi potest; nisi quid obstat. *Sanb. suprà.*

## A D D E N D A.

683

**Q** 110. *An teneatur servare legem , qui ideo*  
*tantum cogitat exire è suo territorio , ut se*  
*à lege eximat.* R. Per se loquendo, non teneri, do-  
 cent *Sanb. Suar. Bonac. Delbene c. 12. dub. I. s. t.*  
 & alii septendecim cum *Illi. r. 1. d. 2. n. 23. & Paq.*  
*de Sacrif. q. 1297.* Item alii plures apud vindicem  
*Tabernæ ad prop. 2., contra Salas, Sayr. Ledes.* &  
 alios quinque: Rationem dant, quia licet tum agat  
 quasi in fraudem legis, tamen fraus ei non patroci-  
 natur, ( quod tantum improbat *Cap. Sedes*, &

*Cap.*

Cap. ex tenore, de Rescriptis) sed conditio loci, ad quem jus habet accedendi, lex enim non obligat, ut quis non exeat è suo territorio, sed tantum obligat, ut existens in territorio eam observet, sicuti non obligat, ut non petam dispensationem, sed ut obseruem, quamdiu dispensationem non habeo. Et nullus videtur dolo facere, qui suo jure uititur, Reg. 55. ff. de Reg. Juris. Intelligunt tamen, per se loquendo, nam si quis è suo territorio, ubi Tridente est receptum, ad aliud ubi receptum non est, eo animo iret, ut hic contraheret matrimonium clandestinum, tumque eo contracto in patriam rediret, matrimonium tale esset invalidum, uti dicetur l. 6. tr. 6. c. 3. ad dub. 2. Vide dicenda l. 3. p. 2. D. 1336.

Q. 111. An peregrinus, antequam exeat è suo 684  
territorio, teneatur audire Missam in festo speciali  
sui territorii. R. Affirmant 18. Auctores apud Pasq.  
de Sacrif. q. 1296. E contrà Busenb. & alii 11. apud  
eundem Pasq. absolutè negant: Alii sic distinguunt,  
1. Si antequam exeat, nullum fiat Sacrum in proprio  
territorio, non tenetur expectare, sed potest exire  
& non audire Sacrum: 2. Si antequam exeat, fiat Sa-  
crum tantum unum, tenebitur hoc audire, quia eo  
die in isto loco obligatur ad Sacrum, ergo cum præ-  
ter hoc nullum aliud futurum sit, ad hoc obligatur.  
3. Si antequam exeat, fiat Sacrum, & postea etiam  
aliud fiat, postquam exiverit, non tenebitur audire,  
quia si mansisset, potuisset illud ultimum Sacrum  
expectare, ergo cum ante tempus illius sit deobligan-  
dus, è quod futurus sit in alio territorio, in quo non  
est obligatio, etiam non tenebitur prævenire, sicuti  
si sim hora 8. in meo territorio, & prævideam me  
horâ 11. per dispensationem deobligandum, non te-  
neor prævenire, ita Sanch. Less. Salas, Castrup. Bonac.  
Henriq. Prapos. Amic. Reiffenst. Delbene, Moya r.  
6. d.

6. d. 5. q. 1. n. 19. *Ills.* n. 62. aliisque multi; *Gob.* t. 3.  
n. 61. putat utrumque probabile. Videri possunt  
*vind.* *Gob.* p. 2. prop. 6.

*An Peregrini & Vagi teneantur præceptis lo-  
corum in quibus morantur.*

“R Esp. Regulariter non tenentur præceptis spe-  
cialibus illorum locorum. Ita *Lay Sanch.*  
“*Azor, Kôning, Leff Reginal. Fill contra Navar.*  
“*Suar Sa, &c.* (& quoad vagos, etiam contra Bon. &  
“*Sanch.*) Ratio est, quia non potest dari ulla ratio  
“hujus obligationis, cum illi non sint subditi vel lo-  
“cis, vel Superioribus, quorum tales leges fuerunt,  
“ideoque extra eorum jurisdictionem: Nec obstat,  
“I. eos nullis partialium locorum statutis, sed solo,  
“jure communi teneri: quia id non est absurdum.  
“Nec 2. quod vagi ob delicta admissa, puniri possint,  
“hoc enim consuetudo recepit, ne scelera maneat  
“impunita.

“Dixi I., regulariter: quia tenentur quibusdam  
“legibus, maximè quarum violatio cederet in da-  
“minum & injuriam illius loci, in quo morantur: ut  
“etiam iis, quæ sunt de contractibus celebrandis.  
“Vnde resolves hos Casus,

“I. Tales non tenentur audire Missam, & possunt  
“opera servilia exercere die istic festo; non tenen-  
“tur jejunare, nec abstinere à carnibus, quando istic  
“est jejunium, & domi suæ non est. Intellige utrum  
“que secluso scandalo, propter quod Episcopus lo-  
“punire posset. *Lay. l. 1. t. 4. c. 1. 2. n. 4.*

“II. Peregrinis non licet frumenta evehere, vel  
“vendere, supra pretium ibi statutum, noctuarma  
“ferre.

ferre, &c. si talia ibi prohibita sint. *Panormit.* Re-  
gin. Sancb. n. 36.

Dixi 2. præceptis specialibus : quia si domi  
tux consuetudine derogatum sit alicui præcepto  
juris communis, & aliò venias, ubi illud viger, eo-  
dem obligaberis. Ratio est, quia lex juris commu-  
nis est universalis, & obligat omnes, sine ordine ad  
locum. *Laym. n. 2.* *Vnde resolvitur hic Casus.*

Belga aliquis veniens Coloniam, v. g. tenetur  
illic sabbatis inter Nativitatem Christi & purifi-  
cationem abstinere à carnibus, quia privile-  
gium ejus comedendi tunc carnes, non est perso-  
nale, sed locale: ideoque expirat extra locum.  
*Laym. n. 3.*

## ADDENDA.

**Q.** 112. *Quid dicendum sit in casu, quo est spe- 686*  
*ciale præceptum, & in loco, è quo exit, &*  
*in loco, ad quem venit.* v. g. si Titius exeat ex loco,  
ubi est speciale jejunium, & veniat ad locum, ubi  
est aliud speciale jejunium; item, si exeat è paro-  
chia sua, in qua est speciale festum S. Fabiani patro-  
ni Ecclesiæ, & veniat in aliam parochiam, ubi est  
speciale festum S. Sebastiani patroni hujus Ecclesiæ,  
an teneatur jejunare vel audire Sacrum. *R.* Plures  
cum *Castrop.* tr. 3, d. I. p. 24. §. 3. & 5. dicunt teneri,  
sed *Io. Sancb. Tambur.* in *Decal.* l. 4. c. 1. §. 2. n. 13.  
& *Burgh.* cent. I. cas. 16. probabiliter negant, quia  
in primis non tenetur ratione specialis præcepti in  
suo territorio, ex quo exit, uti dictum est dub. præ-  
ced. Deinde nec tenetur ratione specialis præcepti in  
altero territorio, ad quod venit, quia non est sub-  
ditus jurisdictioni horum Superiorum, ergo neutro  
præcepto tenetur, & consequenter, si ablit scandala-  
lum, poterit non jejunare nec audire Missam sed in-

Bb

dulgere

dulgere Servilibus. Nec refert quod forte vesperis  
rediturus ad suum domicilium, nam ad rem non  
facit, sive diu sive parum emaneat, quia absentia à  
loco proprio eum à lege eximebat, quamdiu per  
diem aberat, attamen reversus ad domicilium suum  
non poterit carnes comedere, si in hoc suo loco erat  
jejunium, imò nec plenè cœnare, si jam ante per  
diem non sumpserat duplē refectionem, quia  
jam adhuc posset servari jejunium, ad quod in suo  
loco existens obligaretur. Videri potest Ills. t. I. d.  
2. n. 24..

## D U B I U M IV.

*An Peregrini teneantur præceptis juris communi-  
nis, si non sint in usu in loco, ubi morantur.*

“R Esp. Non teneri. Ratio est, quia tunc valeat  
privilegium locale, quo frui possunt omnes  
qui in loco morantur. Sanch. I. mor. cap. 12. Suar.  
Laym. &c. Vnde resolvuntur sequentes Casus,  
I. Si Germanus per Hispaniam transeat, potest  
sabbatis vesci intestinis animalium. Idem si per  
Belgium, aut Mediolanum iter habeat, potest inter  
Nativitatem Christi & Purificationem, in Belgio  
sabbatis, Mediolani verò quatuor primis diebus  
Quadragesimæ carnibus vesci. Sanch. Suar. Bon.  
p. 6. n. 61.

N.B. 1700  
acceptarunt  
ibidem Ca:  
lendarium  
novum

“II. Si quis ex Diocesi Catholica, v. g. Hildesio,  
ubi vetus Calendarium adhuc est in usu veniat in  
aliam, ubi novum est receptum, v. g. Monaste-  
rium, potest, si ibi Quadragesima præteriit, carni-  
bus vesci, ut docet Sanch. l.c. Salas nu. 69. Bonac.  
nu 64. Less. l. 4. c. 2. d. 8. qui tamen contrariam sen-  
tentiam suadet in praxi, licet hæc tuta sit, ut etiam  
docet Lay.

Addidi

Addidi ex Diæcœsi Catholica: quia si Catholici veniat in terras hæreticorum, ubi alii Catholici non sunt, tenetur ibi servare novum Calendarium, ad vitandum scandalum, & contemptum Ecclesiae Catholicæ. Vid. Lay. l. i. t. 4. cap. 11. num. 8.

## ADDENDA.

**Q.** 113. In quo convenient Auctores circa obli. 688  
gationem vagi vel peregrini. **R.** Quæ hactenus attulimus, ferè sunt controversa & in utramque partem probabilia, sed sequentia communiter tenentur ab omnibus.

§. I. Si vagus vel peregrinus acquirat domicilium in aliquo loco, tum statim tenetur præceptis illius loci, quia sit ibi subditus: tum autem acquirit domicilium, si ibi habitare incipiat cum intentione ibidem perpetuò permanendi.

§. II. Similiter tenetur, si acquirat quasi domicilium, tum enim sit subditus & potest recipere omnia Sacra menta præter Ordines: acquirit autem quasi domicilium, si habitare incipiat cum intentione ibi manendi saltem per majorem anni partem, uti faciunt studiosi, servi, ancillæ.

§. III. Etiam tenentur legibus, quæ sunt de 689  
contractibus; item quæ sunt specialiter ad caven-  
dum damnum aut injuriam loci, ad quem veniunt:  
denique tenentur legibus juris communis, eo modo,  
quo notat Busenb. Potestque videri etiam Gob.  
in Exp. tr. 5. n. 92. & 101.

An & quomodo ille, qui è loco, ubi est novum calendarium, exit ad locum, ubi est vetus, teneatur jejunare, addentur plura 1 3. p. 2. à n. 1271., An au-  
tem aliquis in 4. temporibus v. g. vernis hic ordina-  
tus in diaconum, possit decem diebus post, secundum

Calendarium vetus ordinari presbyter alibi, dicetur  
I. 6. quando de Sacram. Ordinis. Denique de obli-  
gationibus advenarum, peregrinorum & vagorum,  
optimè habet *Delbene de Immun. Eccles.* toto cap.  
11. & 12.

## C A P U T III.

De modo, quo observanda sunt Præcepta.

## D U B I U M I.

*An debeant impleri ex Charitate.*

“R Esp. Possunt impleri sine charitate, nisi hanc in  
“substantia includant; ut v. g. Præceptum di-  
“lectionis Dei. Ratio, quia tantum præcipitur, sub-  
“stantia actus inclusi in præcepto, v. g. ut hono-  
“ratur parens, non autem finis, aut modus præcepti, ut  
“docet S. Thom. 1. 2. q. 100. a. 10. Interim certum est,  
“requiri charitatem in operante, ut impletio præ-  
“cepti sit meritoria, juxta illud, 1. Corinth. 13. Si  
“linguis hominum loquar. S. Tho. Suar. Sanch. Vnde  
“resolvuntur sequentes Casus,

“I. Si quis jejunet, vel intersit Sacro, ob vanam  
“gloriam, vel etiam ut furetur, potest nihilominus  
“implere præceptum, etiam per actum ex circum-  
“stantiis peccaminosum; quia implet substantiam il-  
“lius præcepti, licet peccet contra aliud, cui finis ille  
“malus opponitur, ut docet Sanch. 1. mor. c. 14.  
“Laym. l. i. t. 4. c. 4. n. 6. Lugo dis. 22. f. 2. n. 23.

“II. Simili ratione impletur votum, juramen-  
“tum Deo factum, pœnitentia Sacramentalis, licet  
“actus ipse sit peccatum. Idem ll. cc.

## A D D E N D A.

691 Q. 114. Quid tenuerint aliqui circa necessita-  
“tem charitatis pro implendis præceptis, &  
“quomodo